



**Broj: 01-66/19**  
**Vareš, 27.03. 2019. godine**

**Z A P I S N I K**  
**sa 24. sjednice Općinskog vijeća Vareš,**  
**održane 28.02. 2019. godine**

Predsjedavajući OV pozdravio je sve prisutne.

Predsjedavajući OV Adis Čizmo pozvao je gosp. Lidiju Miletović Berberović da pristupi davanju Svečane izjave, kao vijećnica OV Vareš.

Nakon davanja Svečane izjave, Lidija Miletović Berberović je potpisala Izjavu.

U ime Općinskog vijeća, predsjedavajući OV uputio je čestitke novoizabranoj vijećnici.

Izvršena je prozivka vijećnika.

**Prisutni vijećnici:** Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Đemo Kevrić, Lidija Miletović Berberović, Mario Mirčić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

**Odsutni:** Safeta Muftić i Fadila Turki.

Adis Čizmo – predsjedavajući Općinskog vijeća Vareš konstatuje da Vijeće može raditi jer ima kvorum za rad sjednice.

Predsjedavajući OV otvorio je 24. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici Općinskog načelnika – gosp. Ermin Musa i gosp. Ibrahim Spahić, rukovodilac JURA – gosp. Rusmir Berberović, zastupnica u Skupštini ZDK – gosp. Alma Kamenjaš, predsjednica Zdravstvenog savjeta – gosp. Lejla Ivazović, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 23. sjednice OV održane 31.01.2019. godine. Na 23. sjednici nije bilo zaključaka. Postavljeno je osam (8) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće o redovnim aktivnostima organa uprave. Upoznao je prisutne o službenom odlasku u Francusku – Pariz grad Choisy-le-Roi sa

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



predsjedavajućim OV i Karate Klubom Vareš. Cilj posjete je bila saradnja mladih i povijesno naslijeđe sa akcentom na grad „Bobovac“. O istom je dao pojašnjenje. Također je upoznao Vijeće sa provedenom usmenom raspravom 27.02.2019. godine u velikoj sali Općine Vareš. Predmet rasprave je bio zahtjev privrednog društva „Eastern Mining“ d.o.o. Sarajevo za pribavljanje odobrenja za izvođenje detaljnih geoloških istraživanja kompleksne rude olova, cinka, barita i pratećih mineralnih komponenti na proširenom istražnom prostoru Rupice-Borovica i Veovača-Orti-Selište-Mekuše općina Vareš.

Predsjedavajući OV zahvalio se domaćinima grada Choisy-le-Roi na gostoprimstvu i volji da surađuju sa Općinom Vareš.

### *(Vijećnička pitanja)*

#### **Vijećnička pitanja**

##### **Kruno Ridić**

1. Zatražio je da se u MZ Duboštica očiste korita i problematični nanosi koji mještanima stvaraju probleme na oranicama odnosno poljima od kojih žive ? ( dao je pojašnjenje )
2. Pitanje postavio ispred grupe građana: Da li planiramo uraditi nešto oko doma za zdravo starenje ? ( dao je pojašnjenje )

##### **Elvir Rožajac**

3. Zašto se na području naše općine ne organizuje manifestacija za izbor sportiste godine? ( dao je pojašnjenje )
4. Zašto JKP d.o.o. Vareš ne izvuče posipni materijal na područje MZ Ravne, Zubeta, i drugih okolnih mjesnih zajednica i zašto neko ko je nadležan ispred Općine ne obilazi taj teren ? ( dao je pojašnjenje )  
Pitanje postavio vezano i za regionalni put na kome postoji samo jedna saobraćajna traka , i zamolio je Načelnika i službe da izađu na teren za MZ Ravne i ostale mjesne zajednice.

##### **Nermin Hrvat**

5. Pitanje uputio ispred mještana MZ Vareš Majdan: Zašto je ova mjesna zajednica slabo osvijetljena ? ( ul. Ljevarska , Perunska , Šijakov i Čamilov potok - dao je pojašnjenje)

##### **Đemo Kevrić**

6. Postoji li šansa da se saniraju makadamski putevi na cijeloj teritoriji naše općine , iako nije završena zimska sezona ? ( dao je pojašnjenje )
7. Traži da se poduzme nešto oko rješavanja problema u vezi sa dolaskom pasa lualica na MZ Striježevo ? ( dao je pojašnjenje )

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 23. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 23. sjednice OV i nakon izjašnjavanja vijećnika konstatuje da je **jednoglasno sa (15 glasova „ZA“)** (odsutni vijećnici: Mario Mirčić i Ilhana Fatić) **usvojen Zapisnik sa 23. sjednice OV.**

Predsjedavajući OV stavio je na raspravu prijedlog dnevnog reda za 24. sjednicu OV koji je usaglašen na Kolegiju Općinskog vijeća.

Ispred predlagača Ermin Musa pomoćnik načelnika predložio je dopunu dnevnog reda 24. sjednice OV sa tri tačke i to: *tačka 3. „Prijedlog Odluke o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu), tačka 4. „Prijedlog Odluke o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto kluba“ u Vareš Majdanu) i tačka 5. Prijedlog Odluke o izmjeni Odluke o raspodjeli sredstava za političke stranke u Općinskom vijeću vareš iz budžeta Općine Vareš za 2019. godinu.).* Dosadašnja tačka 3. postala bi tačka 6. i tako se sve tačke uvećavaju za jedan broj.

Općinski načelnik u svom obraćanju u vezi predložene dopune sa Prijedlozima Odluka o uslovima i načinu davanja u zakup poslovnih prostora u vlasništvu Općine Vareš, skrenuo je pažnju na općinsku odluku i iznio svoje mišljenje da bi zbog ozbiljnosti ulaganja investitora, nadležna služba trebala pristupiti dopuni odluke sa tačno definisanim podacima „šta je to proizvodno a šta neproizvodno“. O istom je dao pojašnjenje i predložio da nadležna služba za narednu sjednicu OV pripremi takvu odluku.

Predsjedavajući OV je konstatovao da za **narednu sjednicu OV nadležna služba pripremi izmjene i dopune Odluke o davanju u zakup poslovnih zgrada i poslovnih prostora Općine Vareš sa tačno definisanim i razrađenim definicijama šta je proizvodna a šta neproizvodna djelatnost odnosno poslovni prostor.**

Predsjedavajući OV stavio je na izjašnjavanje prijedlog dnevnog reda za 24. sjednicu OV sa predloženom dopunom

Nakon izjašnjavanja vijećnika predsjedavajući OV konstatuje da je **jednoglasno sa (16 glasova „ZA“)** (odsutan vijećnik Mario Mirčić) **usvojen sljedeći**

### *Dnevni red*

1. Prijedlog Programa rada Općinskog načelnika za 2019. godinu.  
Izjestilac: Općinski načelnik.
2. Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini.  
Izjestilac: Ibrahim Spahić.
3. Prijedlog Odluke o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu).  
Izjestilac: Ermin Musa.

4. Prijedlog Odluke o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto kluba“ u Vareš Majdanu).  
Izjavitelj: Ermin Musa.
5. Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2019. godinu.  
Izjavitelj: Sekretar OV.
6. Prijedlog Rješenja o prestanku prava upravljanja i posjeda Stambenom preduzeću na zemljištu društvene/državne svojine.  
Izjavitelj: Ermin Musa.
7. Prijedlog Zaključka o izmjeni Programa rada Općinskog vijeća Vareš za 2019. godinu.  
Izjavitelj: Sekretar OV.
8. Izvještaj o provođenju Odluke o komunalnom redu Općine Vareš u 2018. godini.  
Izjavitelj: Ermin Musa.
9. Izvještaj/Izvješće o realizaciji Programa rada Općinskog vijeća Vareš za 2018. godinu.  
Izjavitelj: Sekretar OV.
10. Izvještaj o radu Zdravstvenog savjeta za 2018. godinu.  
Izjavitelj: Zdravstveni savjet.
11. Informacija o provođenju Strategije poljoprivredne proizvodnje na području općine Vareš za period 2014-2018. godine za 2018. godinu.  
Izjavitelj: Općinski načelnik.
12. Informacija o projektima obnove stambenih objekata na području općine Vareš u 2018. godini.  
Izjavitelj: Ermin Musa.
13. Tekuća pitanja.

#### **Ad. 1.**

*(Prijedlog Programa rada Općinskog načelnika za 2019. godinu.)*

Otvorena je rasprava u kojoj su učestvovali vijećnici Elvir Rožajac (sugestija za završetak ulične rasvjete u MZ Ravne – Općinski načelnik je izjavio da je dat nalog za izradu projekta ulične rasvjete za mjesne zajednice gdje postoji potreba za istom) i Dženan Džafo skrenuo pažnju na tehničku ispravku na str.3).

Zatvorena je rasprava i predsjedavajući OV stavio je na izjašnjavanje Prijedlog Programa rada Općinskog načelnika za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno sa (15 glasova „ZA“)** (odsutni vijećnici: Mario Mirčić i Kenan Kamenjaš) **usvojen**

***Program rada Općinskog načelnika za 2019. godinu.***

## Ad. 2.

*(Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini.

Nakon izjašnjavanja vijećnika predsjedavajući OV konstatuje da je **jednoglasno sa (16 glasova „ZA“)** (odsutan vijećnik Kenan Kamenjaš) **usvojen**

***Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2019. godini.***

## Ad.3.

*(Prijedlog Odluke o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu)*

Komisija za statutarna pitanja i propise na 16. sjednici održanoj 28.02.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu), te je upućuje Vijeću na razmatranje.

Otvorena je rasprava u kojoj su učestvovali vijećnik Kruno Riđić i predsjedavajući OV Adis Čizmo.

Zaključena je rasprava i predsjedavajući OV stavio je na izjašnjavanje Prijedlog Odluke o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu).

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** **usvojena**

***Odluka o uslovima i načinu davanja u zakup poslovnog prostora u vlasništvu Općine Vareš (II sprat poslovnog objekta zvanog „Kapitalna“ u Varešu).***

## Ad.4.

*(Prijedlog Odluke o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto kluba“ u Vareš Majdanu.)*

Komisija za statutarna pitanja i propise na 16. sjednici održanoj 28.02.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto kluba“ u Vareš Majdanu), te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto kluba“ u Vareš Majdanu).

Nakon izjašnjanja vijećnika predsjedavajući OV konstatuje da je **jednoglasno sa (17 glasova „ZA“)** usvojena

***Odluka o uslovima i načinu davanja u zakup poslovnog prostora u vlasništvu Općine Vareš (poslovni prostor bivšeg „Auto-moto-klub“ u Vareš Majdanu).***

#### **Ad.5.**

*(Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2019. godinu.)*

Komisija za statutarna pitanja i propise na 16. sjednici održanoj 28.02.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o izmjeni Odluke raspodjeli sredstava za političke stranke u Općinskom vijeću Vareš iz budžeta Općine Vareš za 2019. godinu, te je upućuje Vijeću na razmatranje.

Otvorena je rasprava u kojoj su učestvovali: Elvir Rožajac (*ispred Naše stranke predložio je Vijeću i Općinskom načelniku da sredstva koja su planirana za političke stranke preusmjere se za troškove liječenja teško oboljelih sugrađana od karcinoma*), predsjedavajući OV (*izjavio je da vijećnik Elvir Rožajac ako želi može ovaj prijedlog uputiti kao inicijativu prema predsjedavajućem OV*), Općinski načelnik (*podržava prijedlog i mišljenja je da se to treba regulisati na drugi način, zakonom je utvrđen iznos i tako treba ostati s tim da se nekom drugom odlukom na osnovu ove inicijative političke stranke dogovore i odluče, dao je pojašnjenje*) i Mirnes Ajnović (*Klub SDP podržava ovu inicijativu*).

Zaključena je rasprava i predsjedavajući OV stavio je na izjašnjanje Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2019. godinu.

Nakon izjašnjanja vijećnika predsjedavajući OV konstatuje da je **jednoglasno sa (17 glasova „ZA“)** usvojena

***Odluka o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2019. godinu.***

#### **Ad.6.**

*(Prijedlog Rješenja o prestanku prava upravljanja i posjeda Stambenom preduzeću na zemljištu društvene/državne svojine.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava upravljanja i posjeda stambenom preduzeću na zemljištu društvene/državne svojine.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“ ) usvojeno**

***Rješenje o prestanku prava upravljanja i posjeda Stambenom preduzeću na zemljištu društvene/državne svojine.***

#### **Ad.7.**

*(Prijedlog Zaključka o izmjeni Programa rada Općinskog vijeća Vareš za 2019. godinu.)*

Sekretar OV Leon Pavlović dao je pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o izmjeni Programa rada Općinskog vijeća Vareš za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“) usvojen**

***Zaključak o izmjeni Programa rada Općinskog vijeća Vareš za 2019. godinu.***

#### **Ad.8.**

*(Izveštaj o provođenju Odluke o komunalnom redu Općine Vareš u 2018. godini.)*

Otvorena je rasprava u kojoj su svoja mišljenja, primjedbe i pitanja iznijeli vijećnici: Elvir Rožajac (nezadovoljan održavanjem puteva i gradskih ulica, pijace), Krno Ridčić (podsjetio na stanje parkinga iznad MUP-a, ogradu na mostu i sl., postavio pitanje gdje se nalazi objekat u kome su smješteni psi lualice), Nikola Šimić (traži pojašnjenje šta se finansiralo iz komunalne naknade a šta i građevinske naknade za zemljište koja je od ove godine ukinuta, sugerisao je da se izvidi mogućnost da se i građanima mjesnih zajednica koje koriste komunalne usluge uvede obaveza plaćanja komunalne naknade, dao pojašnjenje), Mirnes Ajanović (skrenuo pažnju na pojedine mjesne zajednice u kojima nije organizovan odvoz smeća i potrebu postavljanja kontejnera u MZ Planinica), predsjedavajući OV Adis Čizmo (skrenuo je potrebu na održavanje sportskih i dječijih igrališta od strane JKP), Mario Mirčić (u svom obraćanju dao je neka pojašnjenja na diskusije vijećnika-održavanje igrališta i sl.), Elvir Rožajac (replika) i Mario Mirčić (replika).

U svom obraćanju Općinski načelnik odgovorio je na pojedina pitanja vijećnika postavljena u raspravi i iznio svoje mišljenje u vezi problematike u gradu, obaveze i odgovornosti preduzeća i građana prema lokalnoj zajednici.

Zaključena je rasprava i predsjedavajući OV stavio je na izjašnjavanje Izvještaj o provođenju Odluke o komunalnom redu Općine Vareš u 2018. godini.

Nakon izjašnjavanja vijećnika predsjedavajući OV konstatuje da **je sa 12 glasova „ZA“, 2 glasa „PROTIV“ i 2 „SUZDRŽANA“ glasa** (odsutna vijećnica Ilhana Fatić) **usvojen**

***Izvještaj o provođenju Odluke o  
komunalnom redu Općine Vareš u 2018. godini.***

**Ad.10.**

*(Izvještaj o radu Zdravstvenog savjeta za 2018. godinu.)*

Otvorena je rasprava u kojoj su svoje stavove, mišljenja, prijedloge i pitanja iznijeli vijećnici: Kruno Ridić (predložio je da Klub DF održi sastanak sa predsjednicom Zdravstvenog savjeta, dao pojašnjenje), Elvir Rožajac (skrenuo pažnju na potrebu održavanja radionica u vezi zdravlja, dao pojašnjenje), Mirnes Ajanović i Općinski načelnik Zdravko Marošević (sugerisao je da treba ostvariti bolju saradnju sa građanima i nadležnim a sve u cilju efikasnijeg rješavanja eventualnih problema sa kojima se susreću građani i ustanove prilikom korištenja zdravstvenih usluga).

Predsjedavajući OV na osnovu diskusija u raspravi predložio je predsjednici Zdravstvenog savjeta da se organizuje radni sastanak na kome bi se pokušao naći način za rješavanje problema koji su izneseni u raspravi.

Predsjednica Zdravstvenog savjeta gosp. Lejla Ivazović u svom obraćanju upoznala prisutne sa radom i poteškoćama u radu Zdravstvenog savjeta (nije oformljen Zdravstveni savjet u kantonu).

Zaključena je rasprava i predsjedavajući OV stavio je na izjašnjavanje Izvještaj o radu Zdravstvenog savjeta za 2018. godinu.

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 2 „SUZDRŽANA“** (odsutna vijećnica Ilhana Fatić) **glasa usvojen**

***Izvještaj o radu Zdravstvenog savjeta za 2018.godinu.***

Predsjedavajući OV dao je pauzu u trajanju od 15 minuta.  
Nastavljeno je sa radom sjednice.



## **Ad.9.**

*(Izveštaj/Izvešće o realizaciji*

*Programa rada Općinskog vijeća Vareš za 2018. godinu.)*

Sekretar OV Leon Pavlović dao je pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Kruno Riđić i Mirnes Ajanović i sekretar OV koji je dao odgovore na postavljena pitanja u raspravi koja se odnose na dvije odluke koje nisu realizovane i dodatne podatke o realizaciji vijećničkih pitanja.

Zaključena je rasprava i predsjedavajući OV stavio je na izjašnjanje Izveštaj/Izvešće o realizaciji Programa rada Općinskog vijeća Vareš za 2018. godinu.

Nakon izjašnjanja vijećnika predsjedavajući OV konstatuje **da je jednoglasno sa (16 glasova „ZA“)** (odsutna vijećnica Ilhana Fatić) **usvojen**

*Izveštaj/Izvešće o realizaciji*

*Programa rada Općinskog vijeća Vareš za 2018. godinu.*

## **Ad.11.**

*(Informacija o provođenju Strategije poljoprivredne proizvodnje  
na području općine Vareš za period 2014-2018. godine za 2018. godinu)*

Otvorena je rasprava u kojoj su svoja mišljenja, prijedloge i pitanja iznijeli vijećnici: Džafo Dženan, Mirnes Ajanović (predložio da organ uprave i kabinet Načelnika u Rebalansu budžeta predvidi vlastita sredstva za određeni broj plastenika), Elvir Rožajac, Mirnes Ajanović (replika) i Dženan Džafo (replika).

Općinski načelnik u svom obraćanju iznio je mišljenje u vezi poljoprivrede na području naše općine, pozitivnim i negativnim iskustvima u saradnji sa određenim proizvođačima.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

*Informaciju o provođenju Strategije poljoprivredne proizvodnje  
na području općine Vareš za period 2014-2018. godine za 2018. godinu.*

## **Ad.12.**

*(Informacija o projektima obnove stambenih objekata  
na području općine Vareš u 2018. godini.)*

Otvorena je rasprava u kojoj je učestvovao vijećnik Elvir Rožajac.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

*Informaciju o projektima stambenih  
objekata na području općine Vareš u 2018. godini.*

**Ad.13**  
*(Tekuća pitanja)*

1. Rusmir Berberović rukovodilac JURA upoznao je prisutne i pozvao vijećnike da 14.03. 2019. godine u 10,00 sati u velikoj Sali Općine Vareš prisustvuju promociji projekta LIFE koji se odnosi na kreiranje povoljno poslovnog okruženja.

Predsjedavajući OV u ime Općinskog vijeća čestitao je 1. mart – Dan nezavisnosti BiH.

Općinski načelnik pridružio se čestitkama u povodu Dana nezavisnosti BiH i pozvao vijećnike koji su u mogućnosti da 01.03. 2019. godine u 11,00 sati prisustvuju obilasku i polaganju cvijeća na spomen obilježja u gradu. Svim ženama čestitao je 8. Mart – Međunarodni dan žena.

Sastavni dio ovog Zapisnika je audio zapis sjednice.

Sjednica je završena u 18,30 sati.

***SEKRETAR***

**Leon Pavlović**

***PREDSJEDAVALJUĆI  
OPĆINSKOG VIJEĆA***

**Adis Čizmo**

***ZAPISNIČAR***

**Azra Pijadžer**